

元・黄石峰
撰

秘傳痘疹玉髓



秘傳痘疹玉髓·解題

元·黃石峰撰。成書於至正二十七年（公元一三六七年）。

此書四卷，爲兒科痘疹著作。此處所錄爲卷二、卷三及卷四的痘疹用藥部分。其中有卷二的『李雲陽用藥十八辨』；卷三的『痘藥囊賦』；卷四的『益陽湯加減藥性總要』、『保元益陽藥要』、『用藥指南』及『藥品性味』。

今據明建邑書林余秀峰繡梓行刻本影抄本影印。

（王咪咪）



李雲陽用藥十八辨

天靈蓋

黃帝嘗百草以療民疾草木品味之多奇方
捷藥之廣未聞繫人之腦骨以醫人也文王
治岐澤及枯骨矧醫體天地好生之心而惻
隱恒存豈欲救人之生而先忍戕人之腦骨
也且痘最忌厭物以死人之骨治痘痘必隨
厭而變更不美矣俗醫用此以為去痘之奇
藥噫幸而中爾

評曰

古道為醫德好生忍將殘酷用天靈雖然僥
倖成功去陰德如何積子孫

牛虱

經云上引經用升麻下引經用牛膝膝與虱
音近而字異南人遂誤認小兒痘不昂峻用
牛虱以發之視為聖劑殊不知牛虱之性極
惡烈潰膿爛膚者此物也謠聲唾棄者此物
也燥腸賊胃者此物也誤痘致死猶為珍方
派獎到今良可慨也

評曰



牛虱原來毒賽砒南人何故痘中醫裂膚爛
體多流害送盡嬰兒若執迷

附子

回陽起陰附子之功居多合宜而用雖多無
妨痘若寒戰咬牙則梟炎冲激于上而致也
俗人遂用附子治之或服四五錢者或依異
攻散加丁桂用之卒致痰涎緊併痘色焦黑
而死者不免矣

評曰

咬牙寒戰是梟炎附子緣何用五錢只為異

攻陳氏散花童誤死實堪憐

四獸散

痘變于黑用大豕人猫糞燒灰治之豈知痘
畏避者穢汙之物况猫屎人服則耳聾大屎
人服脛不消但人中黃能解砒毒而不解痘
毒設立此方非惟無益于世抑且貽害于人

評曰

痘症從來怕穢氣莫將人獸糞來侵世人多
昏迷難悟送盡飛花命喪陰
升麻

先賢曰是痘不用升麻以性寒故也但痘最要起發鼎峻升麻有提沉拔匿之功有擘和逐穢之捷肺氣可用而鳴脾氣可用而振始求當用之

評曰

庸醫痘裏撒升麻豈識升麻效可誇痰喘若來湏禁用肺經一路莫拋他

川山甲

格物終可以治症川山甲所食者蟻故能逐風毒痘間亦能起鼎但此物不得製法單用

之最能發瀉又極壞脾胃况一七金用麝在內尤宜慎之

評曰

痘塌多宗一七金川山不製瀉斯成痘元全賴脾和胃吐瀉來時定喪生

白朮

補脾理胃白朮之功多但痘翁膿潑漿之際姑置勿用以其性燥腸也賴全真專用參朮散治痘失之太拘矣

評曰



白朮功居脾胃間囊漿催灌且投間磨茄第一收奇効何必靈門更覓丹

紫草

紫草善解陽明之痘毒若焦紫梟紅用之則宜多用眼睛遂黃倘痘灰白毫厘不可用何允中單用一味紫草茸治痘誤人多矣

評曰

紫草陽明專解毒梟紅用此獲奇功暗黃灰白應須禁多用毫厘未免凶

硃砂

俗醫見小兒患痘遽投稀痘丹倍加硃砂豈知硃砂性乃沉寒多服則痘日見伏匿鎮心固肺為害亦衆

評曰

痘中莫便用硃砂遽服硃砂痘不花稀痘中問加倍用嬰兒誤殺百千家

麝香

通竅擊邪莫過于麝驚痰服之宜也若痘之名為花聞香則變切忌之物然有用于一七金者有用于人牙散者其殺人也多矣



評曰
花開最怕麝香侵麝一侵時痘變形一七人
牙俱切劑世間誤殺幾多人

人參

補真元養心肺功莫大于參也若痘毒在內
未曾盡暴于外雖毫厘不可加若痘連錦罩
椒皮鉄葉者亦不宜用倘帶灰白元氣虛損
逾四五日方可投西參要肚脹惟清河者為
尚

評曰

梟炎未恭棄人參須審元虧覓補陰宜用陳
皮為補助腹无煩悶痘安寧

人牙

昔人制人牙散以治寒戰咬牙之痘蓋因腎
主骨痘毒歸腎故設此制矧人牙咀嚼百味
極毒烈者也倖而成功固多但能治之于可
治而不能治之于不可治細詳之

評曰

藥中草木亦通靈何用人牙治痘嬰况用調
和麝香半服之花姜命歸陰



官桂

官桂熱固能昂峻但時令痘疹不同經道元氣不一痘出于秋冬而經于脾肺者用之不肯若春夏痘犯心肝者遠之尚恐其不易充灌況敢投之以濟其鼎炎也游晋夫制三拗湯加至四五錢者誠挾刃入室不至于殺人幾希

評曰

官桂原來善起陰瀆分時令免灾速椒皮若把他來服火上添油勢必焚

百花膏

吳越多崇百花膏以發痘猶有和一七金服又有和蛤蜊湯服又有以和蚯蚓汁服豈知蜜性寒而善走引痰起嘔痘全賴脾胃倘服此而瀉吐何以止遏

評曰

百花膏百花膏引痰作瀉不堅牢煉來加炒木姜汁一匙淘勸君湏酌用半路莫悲號

竹青蛇

孟僧治痘專取叢山竹青蛇燒存生為細末

名金不換以毒攻毒痘難出灌殊不知虎去而狼入其有不噬人者乎

評曰

孟僧專用竹青蛇治痘功多徒自誇虎去狼存危不免花欄一變掩黃沙

牛旁子

一名鼠粘子

一名大力子

鼠粘子能解陽明之毒李氏用于九日之後痘至九日毒已表暴于外何賴于彼錢氏用于十三日之期未審其若何意痘不問其多寡見形遂宜投服多者可以解其毒少者充

速收其效苟痘及澄漿聚膿之際毒已散矣何以服為

評曰

三四期逢覓鼠粘膿漿澄聚便須指陽明鼻毒須宜此焦紫疔癰第一先

蝸牛

范波仙制蝸牛膏振痘之不起發者徒知蝸牛能祛諸毒而不知其性寒冷而滑燕用香油調服尤不可也況傷脾胃作瀉痘難治乎

評曰



雖云諸毒覓蝟牛用治天花未必優浪咲跛
仙稱絕妙致傷脾胃瀉難收

黃芪

補衛氣振天元功莫大千芪也單用則翼相
火而致燥悶生用則鼎臬炎而解胃毒炙用
則歛自汗而活肝榮雖曰與人參同功但帶
焦紫者毫厘不可用也

評曰

花門多要用黃芪經道肝心實不宜脾肺兩
家須倍用同參收効助陳皮

秘傳痘疹玉髓卷之三

會稽王

鍊子純甫

同校

武夷周維洪君範甫
建邑書林余秀峯繡梓行

痘藥囊賦

百草療人要識溫涼寒熱一方治病須明佐
使君臣鼠粘子解陽明之毒紫草茸祛厥陰
之邪補真元生津液還覺人參寬腹脹下痰
涎當尋枳壳黃芪欬汗而助陽山查消食而
下氣清肺金解煩渴麥門最先啟陰寒振榮

衛官桂居要紅花活血而開滯青皮理胃以
和中陳黃米有補脾之功肉苳蔻臻吐瀉之
效玄胡索止腹痛痘沉則棄大腹皮去浮腫
囊虛不宜白木理脾茯苓滲水翁牒之際毋
投三稜去積枳實消痰禹峻之時莫用犀角
鮮心中之毒羚羊淺肺肝之炎地黃生者涼
血而去紫當歸全者補榮而助肝徹頭風盜
三陰川芎第一去虛火引上經柴胡次焉木
香理滯氣附子起陰寒消宿積不使停留蓬
朮換柳居最止啼嗽善解煩涎石膏貝母爭



先痘囊痂葉川山甲之功多。鼻炎焦紫。蒿莖汁之效速。陳皮調胃氣。甘草擅國老之名。黃連瀉心火。大黃號將軍之劑。刺咽喉而開肺竅。莫如桔梗。衛風邪而震陰元。豈若防風。丁香有峻拔之能。山藥得補助之效。砂仁神曲。非滯食不投。黃芩梔子。惟腸澀則用也。小腸脾毒。恃蟬蛻以暴逐。始末不離。鼻炎服升麻以表散。先後當用。甘葛止虛煩。善能發表。木通理積滯。極解諸毒。荊芥祛皮膚之熱。蒼木除下濕之宗。厚朴消食清痰。連肉助脾。實腹桑

中蠱起腎肺二經之沉伏。蚯蚓汁消肝心兩部之景炎。天元不足。人乳接之。陽毒有餘。連翹辟也。痘攻兩眼。非穀精草不能開明。毒入太陽。必意鼓仁。方能除逆。澄心泄三焦之火。枸杞益腎水之精。芍藥止鼻痒而祛蒸鬱。澤瀉理陰陽而通小便。艾葉通竅而辟邪。薄荷解驚而抑火。天花粉治壅腫之科。製半夏理膈痰之藥。隨經絡以異用。不執方而害人。藥品雖多。痘中簡要。酌而用之。罔弗效矣。世之學者。宜熟玩焉。



益陽湯加減藥性總要

參芪甘草加以腹桔桂芍乃作益陽之劑制
方不過于七味治效可收乎始終治或不同
法當加減是以三日之前參芪徑進至漿足
之後芍桂休加毒壅盛而煩紅發熱則黥保

元而進以小連翹此症一消益陽為最狂亂
驚癇雖犀角地黄無害氣虛弱陷用丁香附
子何妨肉蓯蓉參苓健胃止瀉麥門五味解渴
消煩用紫蘇以定喘加茯苓以安神四物有
補血化漿之功四君有助氣制毒之妙糯米
山查壯神進食陳皮貝母下氣消痰芍藥收
漿可加於漿足之後川芎補漏莫缺于未滿
之前丁香助陽而逐毒地黃清血以消煩蒺
藜祛風止痒蟬蛻起陽逐毒漿滯不行水陽
堪浴痘出不快紫草當役依此制方萬無一失



保元益陽藥要

人參甘草補益元氣之內黃芪官桂出入榮衛之間氣血不和外剝內攻非保元濟衛則不能施其功妙人參以固元氣黃芪以托裏非桂制其血而引導之則參芪不能獨樹其功然桂非甘草和平氣血則不能續其條理此保元濟衛之說治痘之大要也

用藥指南

痘毒始出之前宜開和解毒之門既出之後當塞走泄之路瘀落之餘漸進清涼毒已去盡

宜疎補益是故升麻和解毒用之于見點之初解毒諸方用之于三四日之內其餘湯劑對症而投合宜而下

藥品性味

人參

性甘氣溫益元氣而和中生津液而止渴每用二錢至三錢金井者佳

黃芪

味甘氣溫補元氣而益腎經溫肉分而實肌表治痘有裏托外負之功去毒排膿之效每



用三錢至五錢七日後痘起發用密炙箭幹
綿軟者佳

甘草

味井平解諸毒而瀉火健脾胃而和中用一
錢或七分寒則炙熱則生堅實者佳

官桂

味辛熱祛風邪而實腠理和榮衛以固肌表
能致氣上行開榮衛引黃芪于肌表每用七
分至五分夏月用三分不厚不薄者去皮
川芎

味辛氣溫能助清氣而升頭角引參芪以補
元陽治痘暫引導行經之使每用五分至七
分七日後漿足止用雀腦者佳

當歸

味井辛氣溫能生血活血養血此助氣血歸
附氣位必加芎以助之恐其活血流動無定
位也宜用二錢至一錢身大者佳暫用

茯苓

味井性溫能利竅而除濕益脾胃而除熱每
用三錢至一錢堅白者佳可暫用不可過用



惟去其毒不歛而發水泡者不禁過用則毒不除

白朮

性甘氣溫利水道而除濕益脾胃而退熱每用二錢至一錢洗去土焙乾白者佳暫用非瀉利水泡不可過用惟漿毒溢盛不結者不禁

芍藥

味酸平性寒能健脾胃氣而補表止腹痛而歛血七日前能收血散不歸附七日後能收痘

漿不歛每用一錢至七分白者佳七日前少用七日後多用不禁

紫草

味苦氣寒補中氣而利中邪行痘毒而利九竅善治痘出不快每用一錢至七分忌鉄石以手斷為末紫而染者佳五日後不用

陳皮

味苦辛氣溫和中而益脾消痰而洩氣兼治痰喘壅盛氣盛為泡者加之不可過也每用一錢至七分鮮紅者佳七日前少用七日

